



KEMENTERIAN PERPADUAN NEGARA

## **SIARAN MEDIA**

### **FRIENDS OF MINISTRY KPN GALAS TUGAS PENTING LAKSANA PEMBINAAN NEGARA BANGSA**

---

**KUALA LUMPUR**, 29 Ogos – Seramai 11 orang Ahli Parlimen penyokong atau *backbencers* Kerajaan Perpaduan telah dilantik sebagai *Friends of Ministry* (FOM) bagi Kementerian Perpaduan Negara. Majlis Penyerahan Watakah Pelantikan telah disempurnakan oleh YB Datuk Aaron Ago Dagang, Menteri Perpaduan Negara di Bangunan Parlimen, hari ini.

11 FOM Kementerian Perpaduan Negara yang telah dilantik adalah seperti berikut :

- i. YB Tuan Fong Kui Lun (Bukit Bintang)
- ii. YB Tuan Tan Kok Wai (Cheras)
- iii. YB Tuan Chow Kon Yeow (Batu Kawan)
- iv. YB Dato' Seri Dr. Wan Azizah binti Wan Ismail (Bandar Tun Razak)
- v. YB Dato' Seri Amirudin bin Shari (Gombak)
- vi. YB Dr. Mohammed Taufiq bin Johari (Sungai Petani)
- vii. YB Dato' Sri Ismail Sabri bin Yaakob (Bera)
- viii. YB Dato' Seri Hishammuddin Hussein (Sembrong)
- ix. YB Datuk Datuk Seri Saravanan A/L Murugan (Tapah)
- x. YB Tuan Mohamad Shafizan Haji Kepli (Batang Lupar)
- xi. YB Tuan Roy Angau Anak Gingkoi (Lubok Antu)

YB Datuk Aaron Ago Dagang berkata, “FOM memainkan peranan penting dalam **memberi cadangan dan pandangan bernas** bagi **penambahbaikan dasar dan program KPN** demi memastikan **agenda perpaduan yang inklusif, progresif** dan berteraskan nilai-nilai Malaysia MADANI dapat dicapai dengan lebih berkesan.”

Beliau turut mengumumkan bahawa Kementerian Perpaduan Negara sedang melaksanakan **sesi libat urus di seluruh negara bagi merangka Pelan Tindakan Pembinaan Negara Bangsa**, disusuli penganjuran **Persidangan Pembinaan Negara Bangsa** pada Oktober ini.

Selain itu, beliau turut berkongsi hala tuju inisiatif-inisiatif utama KPN bagi tahun ini yang bertemakan **Harmoni Dalam Kepelbagaian** melalui pelaksanaan empat (4) ikhtiar utama iaitu **Ekosistem Perpaduan, Inisiatif Harmoni MADANI, Eksplorasi Rukun Negara dan Komuniti Sosiobudaya**.

Inisiatif *Friends of Ministry* (FOM) adalah merupakan cetusan ilham oleh Kelab Penyokong Kerajaan Madani (Backbenchers Club – BBC) bagi menambahbaik serta memperkasa peranan Ahli-Ahli Parlimen Kerajaan Perpaduan sepanjang persidangan Dewan Rakyat berlangsung.

FOM berperanan untuk mengupayakan Ahli-Ahli Parlimen Backbenchers Kerajaan Perpaduan sebagai agen Kementerian untuk menjelaskan dasar serta polisi Kerajaan ke peringkat akar umbi dengan lebih efektif.

Kementerian Perpaduan Negara

29 Ogos 2025

KPN.100-9/1/16 (70)